



Inatsisartuni ilaasortaq  
Malik Berthelsen  
/Maani

**Pineqartoq: § 36, imm. 1 naapertorlugu apeqqummut nr. 2010-185-imut akissut**

Asasara Malik Berthelsen.

Aallarniutigalugu apeqqutit saqqummiunneqartut pillugit qujavunga, taakkulu imatut nipeqarput:

**Naalakkersuisunut apeqqut:**

**1. Sisimiuni inissiat 36-it sananeqassamaartut aningaasalersorneqarnissaat qanoq isikkoqarpa?**

**2. Maniitsumi Qaqortumilu sunimmitaavaana sanaartornissaq Naalakkersuisoqarfimmit AG-imi neriorsuutigineqartoq?**

**3. Illoqarfinni allani sanaartorfigineqartussanik taaneqartuni sanaartornissaq pillugu Kommunillu atsioqatigiittoqareersimanerluni?**

(Inatsisartuni ilaasortaq Malik Berthelsen, Siumut)

Aallarniutigalugu oqaatigissavara, apeqqutit saqqummiunneqartut soqutiginaannaratik aamma maannakkorpiaq pissutsinut attuumassuteqartorujussuummata.

**Apeqqut 1 pillugu:** 2010-mut aningaasanut inatsimmi kontomi pingaarnermi 89.72.12 Taartissanik inissialortiterneq, suliassamut nr. 996.34.517-imut aningaasaliinissamut inatsimmut ivertinneqarput, taakkulu 2010-mi 1.200.000 koruuniupput, 2011-mi 4.900.000 koruuniupput, 2012-imi 22.800.000 koruuniupput aammalu 2013-imi 30.000.000 koruuniullutik.

**Apeqqut 2 pillugu:** Qaqortup illoqarfiani tamanna pillugu oqaasertaliussaq naapertorlugu illoqarfimmi illunik sananissaq pillugu Namminersorlutik Oqartussanit Kommune Kujalleq oqaloqatigineqarpoq.

Namminersorlutik Oqartussanit Qeqqata Kommunian ilisimatinneqarpoq, 2011-mut aningaasanut inatsisissatut siunnersuummi Maniitsumi inissiat utoqqarnut naleqqussakkat 16-it aningaasaliiffineqarnissaat pingaarnersuinermit sallitinniarneqartoq, taamaalilluni 2011-mi 4.000.000 koruunit aamma 2012-imi 4.963.000 koruunit aningaasaliissutigineqassallutik.

7. oktober 2010

Suliaq nr. 2010-039024

Postboks 909

3900 Nuuk

Tlf. (+299) 34 50 00

Fax (+299) 34 54 10

E-mail: iaan@nanoq.gl

www.nanoq.gl

**Apequt 3 pillugu:** Qaanaami aamma Kullorsuarmi inissialiortiternissaq pillugu Qaasuitsup Kommunia isumaqatigiissuteqarfigineqarpoq.

Neriuppunga tamatumuunakkut suliaq paasiumarnerulersissimassallugu, aammalu paasissutisseeqqinnissamut piareersimavunga.

Inussiarnersumik inuulluaqqusillunga

Jens B. Frederiksen